



UPA 2015/71

Randi V. Evaldsen

21. april 2015

Uunga siunnersuut: SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. xx, xx.xx.2015-imeersaq.

(Naalakkersuisut Siulittaasuat)

(Siullermeenera)

Demokraatini qularinngilarput Nuummi umiarsualivissaq nunatsinnut tamarmut iluaqusijumaartoq. Siunnersuummi takuneqarsinnaavoq umiarsualivissaq Royal Arctic Line A/S-mut ukiumut 30 millioner koruuninik sipaartitsisalissasoq, tamatuma nassataanik assartuinnermi akit qaffattarnissaat annikinnerusussaassaq. Tamanna suliffeqarfinnut nunamilu tamarmi inuttaasunut iluaqusiissaaq.

Tamatuma saniatigut nuannaarutigaarput, entreprenørimut Namminersorlutik Oqartussat isumaqatigiissuteqarluarsimmammata, tassani akit tungaatigut silatusaarnerup saniatigut pingaartinneqarsimammata nunaqavissunik sulisoqarnissaq kiisalu ilinniartoqarnissaq. Taamaasilluni isumaqatigiissutigineqarpoq minnerpaamik akunnerni 130.000-tini nunaqavissut sulissasut taakkualu qaavisigut minnerpaamik akunnerni 20.000-ni ilinniartut sulisinneqassasut. Taakku katikkaanni naligaat tamakkiisumik suliffiit ataavartut 90-t missaat.

Taamaasilluni suliniutip piviusunnigortinneqarnera naligninnaasumik suliffissaaleqinerujussuarmut akiuiniarnermut ilaavoq minnerunngitsumillu inuusuttut akornanni suliffissaaleqinerujussuarmut akiuiniarnermut ilaalluni.

Demokraatini Nuummi umiarsualiviliornissaq ukiorpassuarni tapersersugarisimavarput aamma qilanaarpugut suliniutip aallartivinneqarnissaanut.

Siunnersuut ataatsimiitaliamut susassaqtumut suliareqqitassanngorlugu innersuupparput.